



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Malvm Svmmi Mali Sive De infinita grauitate peccati
mortalis Libri Qvinq[ve]**

Pelecycus, Johannes

Monachii, 1615

II. Deus, vt benefactor noster, cui similis nemo, peccato mortali offenditur.

[urn:nbn:de:hbz:466:1-52025](https://nbn-resolving.org/urn:nbn:de:hbz:466:1-52025)

magnificentia, gloria, laus atq;
victoria, ad quem omnes spe- *1. Tim. 6.*
ctat thesauri, quia eius solius im- *16.*
perium & magnitudo, rex regū,
& dominus dominātium, solus
rex seculorum inuisibilis & im- *Dan. 7. 10*
mortalis est, cui millia millium
ministrant, & decies millies cen-
tena millia assistunt; in cuius
conspectu columnę cœli contre-
miscunt, & pauent ad nutum e-
ius. Ille tandem, qui beatus, &
verò beatitudo ipsa est, & à quo
veluti fonte vberissimo & peren-
ni in mentes beatas & mortales
ipsa emanat. Et hic tantus tamq;
magnus DEVS ac Dominus pec-
cato mortali offenditur? Obstu-
pescite cœli, & portæ eius deso-
lamini vehementer, dicit Domi-
nus.

CAPVT II.

*Deus, ut benefactor noster, cui similis
nemo, peccato mortali offenditur.*

Serm. 2.

de Nativ.

Christi.

Rom. 9. 23.

VT DEVS, cuius natura, quemadmodum S. Leo ait, bonitas, & opus misericordia est, diuitias gloriæ suæ, modo aliquo cum alijs communicaret, præter mentes beatas, hominem, quem ab æterno perpetua charitate dilexit, post ceteras creaturas omnes, quas præstantia ille & dignitate, vt pote earum Dominus, longissimo interuallo superat, in tempore, quo ei placuit, ex nihilo, cum æternum nihil fuisset, benignè & liberaliter, absque vlllo illius merito, vel sui ipsius necessitate, seu vtilitate, potentiâ suâ nullis circumscripta terminis, in lucem produxit, ipsum sibi donavit, suæque diuinitatis capacem fecit. Sic conditum alit, fouet, tuetur & conseruat, manumque comprehensum tenens, verbo virtutis suæ portat,

eat, ne in id, quod minus adhuc
est quam figmentum & som-
nium, hoc est, in nihil, unde
principium duxit, recidat, id-
que intenta, sollicita singu-
larique cura. Id quod D. Au- *Solsl. c. 24.*
gustinus de se loquens, his
verbis indicat: Itaque totus
tu in toto tempore, sine tempore,
solum me simul semperque consi-
deras, ac si nihil aliud considera-
re habeas. Sic igitur super custo-
diam meam stas, sicut si omnium
oblitus sis, & mihi soli intende-
re velis. Semper quippe te presen-
tem exhibes, semper te paratum
offers, si me paratum inuenis. Quo-
cunque iero, tu me, DOMINE,
non deseris, nisi prior ego te dese-
ram. Ubique fuero non rece-
dis, quoniam ubique es, & quo-
cunque iero, inueniam te, per quem
esse possim, ne peream sine te, cum sine
B 4 te esse

- Hom. 13. in c. 4. Act.* te esse non possim. In eum etiam finem D. Chrysofomo authore, cælum extendit Deus, solem accendit, terram fundavit, maria fudit, aëra pãdit, & Luna disposuit cursus. Quomodo
- Sap. 11. 36.* enĩ aliãs, inquit Salomõ, posset aliquid permanere, nisi tu voluisses? aut quod à te vocatum non esset, conseruatur?
- Ps. 35. 7. 135. 25. 146. 8.* Is est cui cura est de vobis; qui homines & iumenta saluat; qui dat escam omni carni, ad usum hominis; qui produxit in montibus fœnum, & herbam seruituti hominum, rigans montes de superioribus suis, de fructu operũ suorum, terram satians;
- Luc. 12. 7.* is denique, cui omnes capilli capitis numerati sunt; & qui regit me, & nihil mihi deerit. Conseruatum hominem in filium adoptat. Non
- Rom. 8. 15.* enim accepistis, ait Apostolus, spiritum seruitutis iterum in timore, sed accepistis spiritum adoptionis filiorum
- Ser. 6. Na. 819.* in quo clamamus, Abba pater. Quare res sic S. Leo Papa: Magnum est dilectis-

dilectissimi huius muneris Sacramen-
tum, & omnia dona excedit hoc donū,
vt Deus hominem vocet filium, &
homo Deum nominet Patrem &c. Do-
tatum tandem, prouidentia suā
regit & gubernat Deus, hoc est,
per certa & accomodata media,
cum ad æternā in cœlis felicita-
tem capessendam effert, statum
bonorum omnium aggregatio-
ne perfectum, & commodorum
omnium sufficientiam. De qua
Dei magnificentia in hominem, s.
paruus, vel nullus veri⁹ ego, plu-
ribus, breuitate mihi in omnibus
proposita, non agam; hæc ipsa,
quæ in medium sic protuli, pec-
cati mortalis summam peruersi-
tatem, & execrandam impieta-
tem, ad horrorē, ad abominatio-
nem, ad fugam ostendunt.

CAPVT III.

Peccator ideo Deum offendit, quia ab
eo se auertit.

B s De

Boet. l. de
Simil. c. 14.
Ansel. l. 13.
de Trin. c.